



Aðalfundur íþróttafélagsins Vestra fyrir árið 2024

Haldinn mánudaginn 28. apríl 2025 í Safnahúsinu, Eyrartúni og hófst kl. 18.00. Á dagskrá fundarins voru hefðbundin aðalfundarstörf samkvæmt lögum félagsins.

- Fundarsetning.** Guðfinna Hreiðarsdóttir, formaður, setti fundinn og bauð fundarmenn velkomna.
- Kosning fundarstjóra og fundarritara:** Guðfinna lagði til að Heiðrún Tryggvadóttir yrði kjörin fundarstjóri og Sigurður A. Jónsson fundarritari. Það var samþykkt. Heiðrún tók við fundarstjórn og sagðist telja að löglega hefði verið boðað til fundarins og bar undir fundargesti hvort gerð væri athugasemd við boðun fundarins en fundurinn var boðaður á heimasíðu Vestra, www.vestri.is og facebook-síðum félagsins.
- Fundargerð síðasta aðalfundar lögð fram.** Fundargerð síðasta aðalfundar er að finna á heimasíðu félagsins, www.vestri.is. Engar fyrirspurnir eða athugasemdir.
- Formaður félagsins gerir grein fyrir starfsemi aðalstjórnar á starfsárinu 2024:**

STARFSSKÝRSLA FORMANNS AÐALSTJÓRNAR VESTRA 2024

KÆRA VESTRAFÓLK

Síðasti aðalfundur félagsins var haldinn 15. apríl 2024. Engar breytingar urðu á stjórn þar sem allir stjórnarmenn gáfu kost á sér áfram og engin önnur framboð bárust. Aðalstjórn fundaði tvisvar á árinu auk þess sem haldnir voru tveir formannafundur. Þar fyrir utan eru samskipti á Facebook-síðu aðalstjórnar þar sem ýmis tilfallandi mál eru tekin fyrir. Á Facebook er einnig síðan Vestri-Samráðsvettvangur sem stjórnar- og trúnaðarmenn deilda félagsins hafa aðgang að. Þar eru sett inn erindi sem berast frá Ísafjarðarbæ, HSV, ÍSÍ, UMFÍ og fleiri aðilum. Aðalstjórn átti fulltrúa á samráðsfundum íþróttahreyfingarinnar og Ísafjarðarbæjar og formannafundum HSV. Vestri átti níu þingfulltrúa á héraðsþingi HSV og mættu átta fulltrúar á þingið sem haldið var 7. maí 2024. Óformlegir fundir með ýmsum aðilum voru allnokkrir.

STARFSEMI FÉLAGSINS

Öflug og metnaðarfull starfsemi hefur verið hjá öllum deildum félagsins og árangur eftir því í keppnum á landsvísu. Vestri átti iðkendum í yngri landsliðum og úrtakshópum, sem er alltaf góður mælikvarði á gæði þess starfs sem deildirnar bjóða upp á. Verður hér stiklað á helstu atriðum í starfi deildanna en að öðru leyti vísað í ársskýrslur þeirra fyrir árið 2024.

Knattspyrnudeildin. Meistaraflokkur karla í knattspyrnu spilaði í fyrsta sinn í Bestu deildinni, efstu deild karla. Það var á brattann að sækja en liðið náði að halda sæti sínu í deildinni og annað tímabil í Bestu deildinni staðreynd. Þau ánægjulegu tíðindi urðu knattspyrnudeildin tefldi í fyrsta sinn fram meistaraflokki kvenna en ísfrskt kvennalið í knattspyrnu keppti síðast árið 2013 og þá undir merkjum BÍ/Bolungarvík. Liðið lék í 2. deild kvenna og endaði í næstneðsta sæti, átti brösuga byrjun en sótti mjög í sig veðrið þegar leið á tímabilið og stóð sig vel undir lokin. Liðið var að mestu skipað ungum heimastelpum og styrkt af fjórum erlendum leikmönnum.

Blakdeildin. Blakdeildin var einnig með meistaraflokk kvenna sem spilaði í 1. deild og náði þeim glæsilega árangri að verða deildarmeistari og komst þar með í fjögurra liða úrslitahelgi. Er skemmt frá því að segja að liðið vann báða leiki sína og tryggði sér þar með rétt til að spila í úrvalsdeild á næsta keppnistímabili. C-lið kvenna spilaði í 4. deild. Það lið er skipað eldri leikmönnum félagsins ásamt ungum leikmönnum 1. deildar liðsins. Liðið endaði í öðru sæti og náði þar með sæti í 3. deild á næsta tímabili. Meistaraflokkur karla lék í úrvalsdeild þar sem liðið endaði í 5. sæti og var þannig nálægt því að komast í undanúrslit. Liðið var að mestu skipað ungum leikmönnum sem hafa vaxið með hverjum leik og eru nú máttarstólpar í liðinu. B-lið karla spilaði í 2. deild en það lið er skipað ungum leikmönnum sem fá ekki mikinn spilatíma með meistaraflokki karla. Liðið endaði í 9. sæti og spilar því í 3. deild á næsta tímabili.

Körfuknattleiksdeildin. Meistaraflokkur karla í körfuknattleik spilaði í 2. deild og endaði í fjórða sæti sem þýddi að liðið komst í undanúrslitakeppni en féll þar síðan út eftir tap. Leikmannastefna og þjálfun meistaraflokka hefur miðast við að byggja á ungum leikmönnum sem koma upp úr elstu iðkendaflokkum deildarinnar. Hjá körfuknattleiksdeildinni er hafinn undirbúningur að stofnun meistaraflokks kvenna sem ætlunin er að taki þátt í Íslandsmóti veturinn 2025–2026.

Hjólreiðadeildin. Hjá hjólreiðadeildinni urðu þau tímamót að þar var í fyrsta sinn boðið upp á skipulagðar æfingar fyrir yngri iðkendur. Þorgils Óttar Erlingsson var ráðinn þjálfari en hann er menntaður hjólaþjálfari með UCI Level 2 þjálfararéttindi. Deildin tók einnig að sér að hýsa í fyrsta sinn Íslandsmótið í Enduro sem fram fór helgina 10.–11. ágúst á Seljalandsdal og Tungudal í blíðskaparveðri. Keppt var í A-flokki, Masters-flokki, B-flokki, Junior, U17 og Rafhjólaflokki. Ungdúró fór fram á sunnudeginum þar sem keppt var í U11, U13, U15 og U17 flokkum. Fjórir Íslandsmeistararitlar skiluðu sér í hús hjá Vestra.

Lyftingadeildin. Lyftingadeildin er yngsti meðlimur Vestra-fjölskyldunnar og enn að slíta barnsskónum. Þótt deildin sé lítil og fámenn þá er hún skemmtileg viðbót við fjölbreytt starf félagsins. Vestri átti þrjá keppendur á Íslandsmeistaramóti Lyftingasambands Íslands sem haldið var í febrúar á þessu ári. Þetta voru þær Guðrún Helga Sigurðardóttir, Hjördís Ásta Guðmundsdóttir og Aldís Höskuldsdóttir sem allar náðu góðum árangri og vænta má mikils af þeim í framtíðinni. Iðkendur í lyftingadeild Vestra stunda allar æfingar undir stjórn þjálfarans Sigurðar Darra Rafnssonar. Guðrún Helga sækir jafnframt mánaðarlegar landsliðsæfingar og hefur unnið sér rétt til að fara á Norðurlandamót sem haldið verður í Svíþjóð í haustið 2025.

Ýmis verkefni. Á síðasta starfsári hefur verið ánægjulegt að sjá aukið samstarf á milli deilda þar sem lögð hefur verið áhersla á að efla faglegt starf innan félagsins með ýmiss konar fræðslu. Deildirnar unnu saman að kynningu á starfi félagsins á viðburðinum *Í góðum félagsskap* sem haldinn var í Edinborgarhúsinu laugardaginn 21. september. Ísafjarðarbær og Bolungarvíkurkaupstaður í samstarfi við Vestfjarðastofu stóðu fyrir opnum kynningardegi á félagsstarfi á norðanverðum Vestfjörðum með sérstaka áherslu á að kynna nýjum íbúum það fjölbreytta félagsstarf sem er á svæðinu. Um 30 aðilar tóku þátt í kynningunni sem var ágætlega sótt og gaman að fá tækifæri til að kynna félagið með þessum hætti.

Eitt verkefni vakti verðskuldaða athygli á liðnu starfsári og það er Special Olympics-verkefni körfuknattleiksdeildarinnar. Frá síðasta hausti hefur deildin, í samstarfi við íþróttafélagið Ívar, boðið upp á körfuboltaæfingar fyrir börn á aldrinum 6–16 ára. Æfingarnar eru liður í verkefninu *Allir með*, sem er samstarfsverkefni ÍSÍ, UMFÍ og ÍF (Íþróttasamband fatlaðra). Þar er horft til barna sem t.d. þurfa meiri stuðning, hentar betur að vera í minni hópum og hafa aðgengi að fleiri þjálfurum á æfingum. Verkefnið hefur gengið vonum frammar og þátttaka meiri en búist var við í upphafi en 8–10 börn hafa að jafnaði mætt á æfingar. Körfuknattleiksdeildin fékk styrk úr Hvatasjóði til þess að fjármagna verkefnið og var því hægt að bjóða upp á æfingar endurgjaldslaust auk þess sem iðkendurnir fengu Vestra-búninga og skó að gjöf frá félaginu. Fyrir krakkana er það dýrmætt að tilheyra stærsta íþróttafélaginu á svæðinu og eiga Vestra-búning með sínu nafni. Mikill vilji er fyrir því að halda áfram með æfingar fyrir þennan hóp og væri skemmtilegt ef fleiri deildir kæmu að verkefninu.

REKSTUR OG FJÁRHAGUR

Heilt yfir er fjárhagur félagsins góður. Veltan er um 265 m.kr. og laun- og verktakagreiðslur um 160 m.kr. Knattspyrnudeildin er langstærst með veltu upp á 219 m.kr. eða um 83% af heildarveltu félagsins og 90% af launakostnaði. Forráðamenn deildanna eiga hrós skilið fyrir ábyrgja fjármálastjórn í rekstrarumhverfi sem er alltaf dálítið ófyrirsjáanlegt þar sem það byggir á getu samfélagsins hverju sinni til að fjármagna starfsemina.

Líkt og síðustu ár þá er tap á rekstri aðalstjórnar árið 2024 sem fyrst og síðast má rekja til hækkandi bókhaldskostnaðar. Árið 2021 greiddi félagið rétt rúma eina m.kr. fyrir þessa þjónustu en um 2,2 m.kr. árið 2024. Aðalstjórn hefur ekki burði til að standa undir þessum kostnaði með þeim litlu tekjum sem hún hefur og þrátt fyrir að ákveðið hafi verið að nýta hluta lottótekna til að greiða kostnað við bókhald þá er ljóst að það dugir einfaldlega ekki til. Leita þarf leiða til að lækka þennan kostnað og ákveða í framhaldinu hvernig fyrirkomulaginu verður háttáð til framtíðar.

ÍPRÓTTAMANNVIRKI

Umfjöllun um íþróttamannvirki, uppbyggingu og viðhald, hefur verið fastur liður í skýrslu aðalstjórnar. Á síðustu árum hafa þessi mál þokast í rétta átt sem án efa helst í hendur við betri fjárhagsstöðu sveitarfélagsins en einnig skilning þar á bæ á mikilvægi þessa málaflokks. Öflugt íþróttastarf og góðar aðstæður til íþróttaiðkunar geta vegið þungt þegar kemur að vali á búsetu fyrir fjölskyldufólk.

Vorið 2023 tóku bæjaryfirvöld Ísafjarðarbæjar ákvörðun um að leggja nýtt gervigras á aðalvöllinn og æfingavöllinn á íþróttasvæðinu á Torfnesi. Óhagstætt tíðarfar næsta vetur seinkaði framkvæmdum nokkuð og var enn nokkur vinna eftir þegar keppnistímabilið hófst um vorið. Stóra stundin rann loks upp laugardaginn 22. júní þegar keppnisvöllurinn á Torfnesi, Kerecivöllurinn, var vígður og fyrsti leikurinn fór þar fram þegar Vestri mætti liði Vals í Bestu deildinni. Eru endurbæturnar á æfinga- og keppnisvöllum á Torfnesi með umsvifamestu framkvæmdum sveitarfélagsins síðustu ár og ánægjulegt að þessum mikilvæga áfanga sé loks náð.

Þegar lá fyrir að leggja ætti gervigras á keppnisvöllinn komu strax upp raddir um að óskynsamlegt væri að leggja í allan þennan kostnað án þess að gera ráð fyrir hitalögnum strax í upphafi. Höfðu menn á þessu skiptar skoðanir og þegar upp var staðið reyndist sveitarfélagið ekki tilbúið að taka þennan kostnað á sig. Það samþykkti hins vegar að styrkja verkefnið um 4,8. m.kr. Skemmst er frá því að segja að Orkubú Vestfjarða lagði síðan fram 3 m.kr. og aðrir aðilar 16 m.kr. þannig að hitalagnir voru lagðar í völlinn og styrkti það marga í trúnni þegar heitt vatn fannst í Tungudal skömmu síðar. Fram til þessa hefur verið horft til þess að nýta varmadælu til hitunar vallarins og búið að festa fjármagn í það verkefni. Er brýnt að þetta verði gert sem fyrst sem og gengið frá lýsingu við völlinn þannig að hægt sé að fullnýta hann árið um kring.

Undanfarnar vikur hefur verið unnið að smíði 69 m² viðbyggingar ofan á suðurenda áhorendastúkunnar. Þar verður aðstaða fyrir sölu á veitingum og varningi. Knattspyrnudeild Vestra yngri fjármagnar framkvæmdina en Ísafjarðarbær er skráður eigandi mannvirkisins og ber að sjá um allt meiriháttar viðhald jafnframt því að greiða kostnað vegna hita og rafmagns auk lögboðinna trygginga. Þá hafa einnig verið ýmsar framkvæmdir í Vallarhúsinu sem miða að því að bæta aðstöðuna þar.

Aðstæður til körfuboltaíðkunar bötunuðu mjög síðasta sumar þegar nýr útikörfuboltavöllur var settur upp við íþróttahúsið á Torfnesi. Völlurinn er með fjórum stillanlegum körfum og um 20 x 13,4 metrar að stærð. Er yfirborð vallarins sérstaklega hannað til að veita gott grip og deyfa högg til að létta álag á líkama þeirra sem nota völlinn. Sambærilegir vellir verða settir upp við Grunnskólann á Ísafirði og í Holtahverfi.

SAMSTARF VIÐ SVEITARFÉLÖG

Eðli málsins samkvæmt þurfa íþróttafélög að hafa alls konar samskipti við sveitarfélög á sínu starfssvæði. Það er allra hagur að þau samskipti séu góð og vill íþróttafélagið Vestri færa Ísafjarðarbæ, Bolungarvíkurkaupstað og Súðavíkurhreppi þakkir fyrir gott samstarf og velvild í garð félagsins.

Á síðasta ári tók Ísafjarðarbær upp þá nýbreytni að halda samráðsfundi íþróttahreyfingarinnar og sveitarfélagsins. Fundina sitja sviðstjóri skóla- og tómstundasviðs og íþrótt- og tómstundafulltrúi ásamt fulltrúum íþróttafélaga. Er fundinum ætlað að auka gagnsæi og styttu boðleiðir í stjórnsýslunni jafnframt því að vera vettvangur þar sem íþróttafélögin geta komið sínum málum á framfæri. Fram til þessa hafa átta fundir verið haldnir og reynslan sýnir að fundirnir skila því sem þeim er ætlað. Vestri lýsir ánægju sinni með þetta fyrirkomulag sem almennt hefur haft í för með sér bætt samskipti og samstarf við íþróttafélögin.

Vestri lýsir einnig ánægju sinni með þá ákvörðun bæjarstjórnar að taka upp frístundastyrk fyrir börn í 5.–10. bekk í grunnskóla með það að markmiði að styrkja þennan aldurshóp til þátttöku í uppbyggilegu frístundastarfi óháð efnahag. Þá er styrknum einnig ætlað að ýta undir aukna hreyfingu, virkni og félagsþátttöku sem og að vinna gegn óæskilegu brottfalli í eldri aldurshópum iðkenda. Þessu tengt þá er rétt að minna á mikilvægi frístundarúttunnar og það lykilhlutverk sem hún gegnir þegar kemur að þátttöku barna í skipulögðu íþróttastarfi. Samstarf Ísafjarðarbæjar og Bolungarvíkurkaupstaðar um þetta verkefni er til fyrirmyndar og ber að þakka.

AÐ LOKUM

Þann 16. janúar 2026 verða 10 ár liðin frá því að íþróttafélagið Vestri var stofnað. Þetta er stór áfangi sem við munum fagna, ekki síst í ljósi þess að vegferðin hefur stundum verið meira á holóttum malarvegi en hraðbraut. Það hefur hins vegar sýnt sig að farartækið er öflugt og við höfum komist yfir allar hindranir hingað til.

Eitt af markmiðunum með stofnun Vestra var að efla samstarf og samstöðu meðal íþróttafélaga sem alla jafna eru í mikilli samkeppni við hvert annað um iðkendur, sjálfbóðaliða, aðstöðu og að sjálfsögðu peninga. Á frjálsum markaði getur samkeppni verið af hinu góða en í íþróttastarfi vegur samstaða þyngra. Illdeilur, sundrung og tortryggni valda aðeins tjóni og eiga ekkert erindi í félagsstarf. Á þessum 10 árum höfum við í Vestra ekki endilega alltaf verið sammála og það hafa orðið árekstrar en þegar á þarf að halda þá stöndum við sameinuð undir merki félagsins sem ein sterk liðsheilid, alltaf.

Samstarfsfólki í aðalstjórn færi ég þakkar fyrir gott samstarf og sömuleiðis stjórnarmönnum deilda og öllum þeim sem koma að starfi Vestra með einum eða öðrum hætti. Styrktaraðilar og stuðningsmenn Vestra fá þakkar fyrir að styðja við og standa með félaginu í blíðu og stríðu. Takk allt Vestrafólk, ykkar framlag er ómetanlegt.

Áfram Vestri!

5. Lagður fram endurskoðaður ársreikningur félagsins. Guðni Guðnason gjaldkeri Vestra, lagði fram endurskoðaðan ársreikning sem samþykktur hefur verið af skoðunarmönnum félagsins. Hann fór yfir helstu lykiltölur í rekstri félagsins og tók þar sérstaklega fyrir viðskiptastöðu sunddeildar. Reikningarnir liggja frammi á heimasíðu félagsins.

Að lokinni yfirferð gjaldkera opnaði fundarstjóri fyrir umræður um ársskýrslu og ársreikning og bar síðan upp til atkvæðagreiðslu skýrslu formanns og ársreikning og var hvort um sig samþykkt samhljóða.

6. Ákvörðun félagsgjalds. Guðni Guðnason, gjaldkeri félagsins, bar fram tillögu um að félagsgjaldið yrði óbreytt, þ.e. 2.500 krónur. Tillagan borin upp til atkvæða og samþykkt.

Tillaga gjaldkera varðandi ógreidd félagsgjöld:

Skv. lögum félagsins ber sérhverjum félagsmanni að greiða félagsgjald til félagsins. Greiði félagsmaður ekki félagsgjald sitt næstliðið ár fyrirgerir hann réttindum sínum skv. 9. grein þessara laga. Aðalstjórn metur hverju sinni hvort greiðslufall skuli varða brottrekstri úr félaginu. Félagsgjald var í fyrsta sinni innheimt árið 2020. Leggur gjaldkeri til að þeir sem ekki hafa greitt kröfu í 5 ár verði teknir út af félagatal. Þeir sem hafa greitt einu sinni fá að vera áfram fyrst um sinn. Tillagan borin upp til atkvæða og samþykkt.

7. Fjárhagsáætlun lögð fram til samþykktar. Fundarstjóri gaf Guðna Guðnasyni gjaldkera orðið. Hann fór yfir helstu tölur í fjárhagsáætlun þessa árs og fundarstjóri opnaði síðan fyrir umræður. Tillagan borin upp til atkvæða og samþykkt.

8. Lagabreytingar. Fundarstjóri upplýsti að engar tillögur um lagabreytingar hafi borist fyrir aðalfund.

9. Kosningar

a. Kosinn formaður. Tillaga: Guðfinna Hreiðarsdóttir. Samþykkt með lófataki.

b. Kosnir þrjú stjórnarmenn til tveggja ára. Heiðrún Tryggvadóttir, Hlynur Reynisson og Þóra Marý Arnórsdóttir eru núna að ljúka tveggja ára kjörtímabili. Heiðrún Tryggvadóttir gefur ekki kost á sér áfram. Fyrir eru í stjórn eru Heba Dís Þrastardóttir, Gísli Jón Hjaltason og Guðni Guðnason sem voru kjörin á síðasta aðalfundi til tveggja ára. Tillaga um að Þorsteinn Másson komi inn í stjórn í stað Heiðrúnar. Engar aðrar tillögur bornar fram, samþykkt með lófataki.

c. Kosnir tveir varamenn til eins árs. Tillögur: Sigurður A. Jónsson og Marzellíus Sveinbjörnsson. Samþykkt með lófataki.

d. Kosnir tveir skoðunarmenn reikninga og einn til vara. Tillögur: Ásdís Birna Pálsdóttir, Sigrún Sigvaldadóttir og Gísli Úlfarsson til vara. Samþykkt með lófataki.

10. Önnur mál.

- Heiðursviðurkenningar.** Formaður ræddi viðurkenningu og heiðursmerki en skv. 20. gr. laga félagsins getur aðalstjórn veitt viðurkenningu fyrir íþróttárangur eða störf í þágu félagsins eða íþróttahreyfingarinnar skv. sérstakri reglugerð sem samþykkt er á aðalfundi félagsins. Formaður lagði fram tillögu að reglugerð um heiðursviðurkenningar íþróttafélagsins Vestra. Tillagan borin upp til atkvæða og samþykkt.
- Árþing HSV 2025.** Formaður minnti á HSV þingið sem haldið verður á Suðureyri 22. maí og mikilvægi þess að íþróttafélagið Vestri fullmanni alla sína fulltrúa á þinginu, 9 talsins.
- Félagsaðstaða í Vallarhúsi.** Tillaga frá knattspyrnudeild um að aðalstjórn íþróttafélagsins Vestra afsali sér efri hæð í Vallarhúsinu á Torfnesi til knattspyrnudeildar. Helstu ástæður eru vinnuframlag, tími og peningar sem knattspyrnudeildin hefur lagt í efri hæðina og það staðreynd að hæðin er í dag vinnustaður fyrir 5-6 starfsmenn knattspyrnudeildar. Formaður upplýsti að í gildi væri samningur á milli Ísafjarðarbæjar og aðalstjórnar um afnot af efri hæð Vallarhússins þannig að aðalstjórn gæti ekki afsalað húsnæðinu beint til knattspyrnudeildarinnar. Segja þarf gildandi samningi upp og knattspyrnudeildin þarf að gera nýjan samning við Ísafjarðarbæ ef félagsmenn væri samþykkir þeirri ráðstöfun. Nokkrar umræður urðu um málið og undirtektir almennt jákvæðar gagnvart þessari breytingu. Aðalstjórn falið að vinna málið áfram í samráði við knattspyrnudeildina.

11. Fundarslit. Fundarritara var falið að ganga frá fundargerð og birta á heimasíðu. Fundarstjóri gaf þá nýkjörnum formanni, Guðfinnu Hreiðarsdóttur orðið og fól henni stjórn fundarins. Formaður þakkaði Heiðrúnu Tryggvadóttur fyrir stjórnarsetu og störf í þágu félagsins. Ennfremur bauð formaður Þorstein Másson velkominn til starfa í aðalstjórn Vestra. Loks þakkaði formaður fundarmönnum fyrir komuna og sleit fundi kl. 19:00.